

სსიპ – საქართველოს სპორტის სახელმწიფო უნივერსიტეტის აკადემიური პერსონალის
(პროფესორი, ასოცირებული პროფესორი, ასისტენტ-პროფესორი, ასისტენტი) აფილირების წესი

მუხლი 1. რეგულირების სფერო

1. წინამდებარე წესი არეგულირებს სსიპ საქართველოს სპორტის სახელმწიფო სასწავლო უნივერსიტეტის (შემდეგში – სპორტის უნივერსიტეტი) აკადემიური პერსონალის აფილირების წესსა და პირობებს, ადგენს აფილირებასთან დაკავშირებით აკადემიური პერსონალისა და უნივერსიტეტის უფლებებსა და მოვალეობებს;
2. წინამდებარე წესით დადგენილი პროცედურები გამჭვირვალეა და ინფორმაცია მისი თითოეული ეტაპის შესახებ ღია, ხელმისაწვდომი და ადვილად აღქმადია დაინტერესებულ პირთათვის.

მუხლი 2. აფილირების წესის მიზანი

1. აკადემიური პერსონალის (პროფესორი, ასოცირებული პროფესორი, ასისტენტ-პროფესორი, ასისტენტი) აფილირების წესის და ამ წესის მიღების სახით სპორტის უნივერსიტეტის მიზანია: ა) უნივერსიტეტის შიდასამართლებრივი აქტებისა და ამ აქტებით რეგულირებული სამართლებრივი ურთიერთობების საკანონმდებლო მოთხოვნებთან შესაბამისობის უზრუნველყოფა;
- ბ) სპორტის უნივერსიტეტისა და უნივერსიტეტის აკადემიურ პერსონალს შორის ისეთი ურთიერთსასარგებლო შრომითსამართლებრივი ურთიერთობების ჩამოყალიბება, რომელიც ერთი მხრივ აკადემიურ პერსონალს მისცემს საშუალებას თავისი საგანმანათლებლო და სამეცნიერო საქმიანობა (ასევე შრომითი ხელშეკრულებითა და სპორტის უნივერსიტეტის სხვა სამართლებრივი აქტებით განსაზღვრული სხვა სახის საქმიანობა, რომელიც გამომდინარეობს საგანმანათლებლო და სამეცნიერო ფუნქციის შესრულებიდან) აწარმოოს სპორტის უნივერსიტეტის სახელით და მეორეს მხრივ სპორტის უნივერსიტეტმა მაქსიმალურად და შესაძლებლობის ფარგლებში შეუზღუდავად შეუწყოს ხელი აკადემიურ პერსონალს თავისი შესაძლებლობების სპორტის უნივერსიტეტში სრული რეალიზებისათვის.

მუხლი 3. აფილირება

1. სპორტის უნივერსიტეტთან აკადემიური პერსონალის აფილირება გულისხმობს სპორტის უნივერსიტეტისა და უნივერსიტეტის აკადემიური თანამდებობის მქონე პირს (პროფესორი, ასოცირებული პროფესორი, ასისტენტ-პროფესორი, ასისტენტი) შორის წერილობითი შეთანხმების გაფორმებას, რომლის თანახმადაც აკადემიური თანამდებობის პირი ადასტურებს თავის აფილირებას მხოლოდ სსიპ – საქართველოს სპორტის სახელმწიფო უნივერსიტეტთან, უნივერსიტეტის სახელით მონაწილეობს საზოგადოების განვითარებისა და ცოდნის გამზარების პროცესებში და სპორტის უნივერსიტეტში:

- ა) ახორციელებს ძირითად საგანმანათლებლო, კვლევით/სამეცნიერო/შემოქმედებით/საშემსრულებლო საქმიანობას და მისი კვლევითი/სამეცნიერო/შემოქმედებითი/საშემსრულებლო საქმიანობის შედეგები ეთვლება მხოლოდ სპორტის უნივერსიტეტს. როგორც უნივერსიტეტში, ასევე სპორტის უნივერსიტეტსა და სხვა დაწესებულების კონსოლიდირებულ რესურსებზე დაფუძნებული კვლევით/სამეცნიერო/ შემოქმედებით/საშემსრულებლო საქმიანობის შედეგების ჩათვლა/განაწილებისას, სპორტის უნივერსიტეტის აფილირებული პერსონალი ვალდებულია გემთაღნიშნული გზით მიღებული პროდუქტის ავტორად/თანაავტორად ფიგურირებდეს მხოლოდ როგორც სპორტის უნივერსიტეტის აფილირებული პერსონალი შესაბამისი წერილობითი მითითებით – „სსიპ საქართველოს სპორტის სახელმწიფო უნივერსიტეტი/ LEPL – Georgian State University of Sport“, იმ სახით რა სახითა და ფორმითაც აღნიშნული შესაძლებელია კონკრეტული პროდუქტის შემთხვევაში (მაგ.: სამეცნიერო პუბლიკაციის გამოქვეყნების დროს სპორტის უნივერსიტეტის პერსონალი ავტორად მითითებისას აფილირებაში აუცილებლად უთითებს მხოლოდ „სსიპ საქართველოს სპორტის სახელმწიფო უნივერსიტეტი/ LEPL – Georgian State University of Sport“;
- ბ) აქტიურად არის ჩართული სპორტის უნივერსიტეტში საგანმანათლებლო, კვლევით/სამეცნიერო/შემოქმედებით/საშემსრულებლო და სხვა მნიშვნელოვან საკითხებთან დაკავშირებით გადაწყვეტილების მიღების პროცესებში;
- გ) აქტიურად არის ჩართული სტუდენტებისათვის კონსულტაციების გაწევისა და კვლევითი/სამეცნიერო/შემოქმედებითი/საშემსრულებლო საქმიანობის ხელმძღვანელობის პროცესებში.

მუხლი 4. აფილირებული აკადემიური პერსონალი

1. უნივერსიტეტს ჰყავს მხოლოდ აფილირებული აკადემიური პერსონალი, რომელიც შესაბამის აკადემიურ თანამდებობაზე კანონმდებლობით დადგენილი წესით გამოცხადებულ კონკურსში მონაწილეობით ადასტურებს მზაობას გახდეს სპორტის უნივერსიტეტის აფილირებული აკადემიური პერსონალი მისი აღნიშნულ კონკურსში გამარჯვებისა და აკადემიურ თანამდებობაზე არჩევის შემთხვევაში, ხოლო სხენებულ თანამდებობაზე არჩევისთანავე, შრომითსამართლებრივი ურთიერთობების გაფორმებისას, წინამდებარე წესით დადგენილი პირობების თანახმად, უნივერსიტეტთან წერილობით გააფორმებს აფილირების შეთანხმებას (დანართი №2). აღნიშნული მიზნით უნივერსიტეტი უზრუნველყოფს აკადემიური თანამდებობის დასაკავებლად გამოცხადებული ყოველი ცალკეული კონკურსის პირობებში ამ პუნქტით განსაზღვრული, ზემოხსენებული პირობების მითითებას.
2. აფილირებული აკადემიური პერსონალი ვალდებულია, გარდა მასთან გაფორმებული შრომითსამართლებრივი ურთიერთობების მარეგულირებელი აქტებისა (შრომითი ხელშეკრულება, შეთანხმება და სხვ.) და უნივერსიტეტში მოქმედი შრომითსამართლებრივი აქტებით მისთვის განსაზღვრული შრომის პირობებისა, დაიცვას წინამდებარე წესის მოთხოვნები, რომელიც მისი შრომითი ხელშეკრულების შემადგენელი (განუყოფელი) ნაწილია.
3. პირი, რომელსაც სურს დაიკავოს სპორტის უნივერსიტეტის აკადემიური თანამდებობა ვალდებულია გაეცნოს წინამდებარე წესის მოთხოვნებს და აკადემიური თანამდებობის

დასაკავებლად გამოცხადებულ კონკურსში მონაწილეობის მიღების მიზნით (უნივერსიტეტის სხვა შესაბამის პირობებთან ერთად) წერილობით გამოხატოს თანხმობა მხოლოდ სპორტის უნივერსიტეტთან აფილირების შესახებ, რაც ძალაში შედის მის მიერ შესაბამისი აკადემიური თანამდებობის დაკავებისთანავე და წერილობით დაადასტუროს ინფორმაცია იმის შესახებ, რომ არ გააჩნია ძალაში მყოფი ანალოგიური ხასიათის დოკუმენტი (ხელშეკრულება, შეთანხმება ან სხვ.) სხვა უმაღლეს საგანმანათლებლო დაწესებულებასთან.

4. ამ მუხლის მე-3 პუნქტის მოთხოვნებიდან გამომდინარე, სპორტის უნივერსიტეტი ვალდებულია ხელმისაწვდომი გახადოს წინამდებარე წესი საჯარო გაცნობისათვის და აკადემიური თანამდებობის დაკავების მსურველს გააცნოს მისი შინაარსი, ასევე უნივერსიტეტი იგოვებს უფლებას კანონმდებლობით დადგენილი წესით გადაამოწმოს ამ მუხლის მე-3 პუნქტით გათვალისწინებული პირის მიერ წარმოდგენილი ინფორმაცია.

5. აფილირებული აკადემიური პერსონალი უფლებამოსილია, გამონალის შემთხვევაში უნივერსიტეტის შესაბამისი ფაკულტეტის დეკანისა და უნივერსიტეტის რექტორის/ადმინისტრაციის ხელმძღვანელისათვის წერილობითი ცნობებით (რომელშიც მითითებული უნდა იყოს შესაბამისი უმაღლესი საგანმანათლებლო დაწესებულების დასახელება, ჩასაგარებელი საათების რაოდენობა, საქმიანობის პერიოდი), განახორციელოს საგანმანათლებლო – სალექციო (მხოლოდ სალექციო, სასემინარო, პრაქტიკული, ლაბორატორიული) საქმიანობა სხვა უმაღლეს საგანმანათლებლო დაწესებულებაში.

6. წინამდებარე წესის მოთხოვნათა დარღვევა ავტომატურად იწვევს შრომითი ხელშეკრულების მოშლას.

ერთი მხრივ, სსიპ საქართველოს სპორტის სახელმწიფო უნივერსიტეტი (ქ. თბილისი, ვაჟა ფშაველას გამზ. №76), წარმოდგენილი მისი რექტორის - გრისგან გულბიანის სახით („დამსაქმებელი“), მეორე მხრივ, მოქალაქე -----

- („დამსაქმებელი“) შეთანხმდნენ შემდეგზე:

1. დასაქმებული ----- ფაკულტეტის ----- აკადემიური პერსონალი
(პროფესორი/ასოცირებული პროფესორი/ასისტენტი-პროფესორი/ასისტენტი)-----
----- უნივერსიტეტსა და მას შორის გაფორმებული -----

შრომითი ხელშეკრულების მოქმედების ვადით, 20-- წლის ----- დან 20 --
----- მდე, აფილირებულია მხოლოდ სსიპ საქართველოს სპორტის სახელმწიფო
უნივერსიტეტთან, სპორტის უნივერსიტეტის სახელით მონაწილეობს საზოგადოების განვითარებისა და
ცოდნის გაზიარების პროცესებში და ----- სპორტის უნივერსიტეტში
ახორციელებს ძირითად საგანმანათლებლო, კვლევით/სამეცნიერო/შემოქმედებით/საშემსრულებლო
საქმიანობას და მისი კვლევითი/სამეცნიერო/შემოქმედებითი/საშემსრულებლო
საქმიანობის შედეგები ეთვლება მხოლოდ ----- სპორტის უნივერსიტეტს; აქტიურად
არის ჩართული ----- სპორტის უნივერსიტეტში საგანმანათლებლო,
კვლევით/სამეცნიერო/შემოქმედებით/საშემსრულებლო და სხვა მნიშვნელოვან საკითხებთან
დაკავშირებით გადაწყვეტილების მიღების პროცესებში; აქტიურად ----- არის ჩართული
სტუდენტებისათვის კონსულტაციების გაწევისა და
კვლევითი/სამეცნიერო/შემოქმედებითი/საშემსრულებლო საქმიანობის ხელმძღვანელობის
პროცესებში.

2. პასუხისმგებლობა „სსიპ – საქართველოს სპორტის სახელმწიფო უნივერსიტეტის აკადემიური
პერსონალის (პროფესორი, ასოცირებული პროფესორი, ასისტენტი-პროფესორი, ასისტენტი)
აფილირების წესით “ - განსაზღვრული პირობების შეუსრულებლობაზე ეკისრება შესაბამის აკადემიურ
პერსონალს.

3. აფილირებული აკადემიური პერსონალის (პროფესორის/ასოცირებული პროფესორის/
ასისტენტი-პროფესორის/ასისტენტის) ----- აფილირების ვადის გასვლის შემდგომ
აფილირების პერიოდში შექმნილი კვლევითი/სამეცნიერო/შემოქმედებითი/საშემსრულებლო
პროდუქტია ----- რჩება ----- მხოლოდ ----- სპორტის ----- უნივერსიტეტის ----- სახელით
გამოცემულის/შესრულებულის სტატუსის მქონედ.

4. შეთანხმება ძალაშია -----დან -----მდე.

„დამსაქმებელი“

„დასაქმებული“

სსიპ საქართველოს სპორტის სახელმწიფო
უნივერსიტეტის რექტორი
გრისგან გულბიანი

სახელი, გვარი -----
ხელმოწერა -----

